

復九江兵備副使移守備駐安慶

丁酉禁額外貢獻時鳳陽守備太監張陽進茶各鎮守總兵進馬

提督京營武定侯郭勛請勅書以軍興法斬罪不許

治馬吳等先朝獻女之罪戍南丹衛

禁渾河等處內臣權稅

西海併入沁河諸夷

四月丁丑朔戊寅故給事中席彖贈光祿少卿予祭

夜木星犯斗宿

庚辰召林俊改刑部尚書起楊旦南右副都御史

寧夏地震

辛巳立穎國公傅友德宣德侯金朝興汝南侯梅思祖廟于

雲南額日報功

壬午南京操江襄城伯李全有罪免

禁珠池內臣涉民事

命公侯伯始襲年三十以下入太學肄業仍十日起營操


甲申雲南左衛大雨雹傷田舍

乙酉總督漕運戶部尚書陶俊改工部

國權

嘉靖元年

八



廣西夷目黃鏐作亂破上思州蓋設流官後不靖

丙戌御史席春避其兄書侍郎改檢討

丁亥都督僉事楊銳左府僉書

己丑南吏部尚書廖紀改南兵科

起右都御史俞諫提督漕運

勅勦躬同工部右侍郎童瑞修金水玉河橋進城濠廣源開

水利

辛卯故山西布政使右叅政張敏贈太僕少卿正德時征藍

馱賊功

定各邊兵械三年御史閱視繪圖說以聞著為令

癸巳長壽郡主進封長公主

乙未吏部左侍郎羅欽順為南吏部尚書

順天巡撫周季順鳳相度東鹿肥鄉獻魏水利


丙申暑讞寬輕囚

按李隆罪右都督徐謙提兵官鎮守甘肅初隆私恨殺許銘

以激變聞至是巡按喻茂堅上其罪

酉丁 提學副使潘府為太僕少卿尋改為太常少卿

錄平宸濠遺功徽州知府張芹等安慶教諭姚諒等諸生徐



邦直等各勞賜如格卹陣亡者
戊戌御經筵值 淳皇后忌辰脩撰呂柟謨講尚書夙夜惟
寅言乞存忌辰光聖孝 上曰已知柟伏地不及承旨退引
罪不問

禮部右侍郎汪俊為吏部左侍郎

前南戶部尚書胡富卒徽州績溪人成化戊戌進士授南大
理評事歷大理卿忤逆瑾罷後起家南 部左侍郎屢裁冗
食祛宿弊事涉權奸多格不行敷歷中外四十餘年始終如
一士論重之贈太子少保謚康惠

辛丑 犯隆德興國固原兵戰城下循山而行伏 自谷突
出橫擊指揮楊洪戰死


癸卯侍講學士劉龍為禮部右侍郎

甲辰刑部尚書林俊引疾且爭大禮當為人後不得推尊所
生緝堯舜至宋理宗事凡十則上之付所司不允辭
停南城西苑亭殿等役

五月丙午朔停浙江歲織生綾八百匹

諭各府宗室有事代奏毋私自詣闕

改正上林苑占田量留內臣九人如舊制



戊申球琉國王尚真遣使入賀

立安陸祠祭署專外戚蔣氏奉祀

己酉駙馬都尉崔元封京山侯祿千五百石外戚邵喜昌化

伯蔣輪玉田伯各祿千石世襲

辛亥賑沘岷難民


丙辰召前工科右給事中陶諧忤瑾謫成前南刑科給事中

史俊為光祿少卿致仕

丁巳經筵值 仁宗忌辰暫免先朝不免止衣青綠

南戶部尚書蔣昇致仕

先是安南莫登庸自稱興安王謀鳩黎諲兄弟卜者黃廷科
密以告登庸遂率兵入圖諲殺廷科悉屏其左右置私人焉
惟經筵官黎汝勵年老不之疑也至是回古齋諲令汝厲密
召外兵而泄登庸攻諸營殺副都將軍舉阮登阮壽增築宮
墻登庸荆門之宜陽人世漁家有力補力士校尉歷都指揮
為陳暲叅督暲作亂自拔歸諲為宜陽叅將有功封武川伯
鎮海陽時鄭綏阮弘裕相攻各退居清 國柄亡屬登庸令
范嘉謨賄文臣 薦其典兵加登庸太傅仁國公節制諸
軍已議罷登庸乃輦其國重器古齋使弟莫楸以裝堵武歸



護阮如桂等入偽都殺掠若他盜然脅讓以兵未可罷

南昌大水


六月丙子朔宜川王秉樞薨謚思裕

南右都御史楊旦為南戶部尚書

前南戶部尚書王華卒浙江餘姚人成化辛丑進士第一授
脩撰歷學士主兩京試預修資治通鑑纂要進禮部右侍郎
至今官家居十餘年有司請卹子守仁平逆濠功封新建伯
贈如子爵華才識宏遠操持堅定逆瑾用事時諷使就見不
往其大節如此又東禮部毛澄、摘其科場陰事竟不許

庚辰南禮部尚書章懋卒字德 浙江蘭谿人成化丙戌進
士官編修諫觀燈謫臨武令改南評事改福建僉事歷今官
致仕弘治初起南祭酒進南太常卿禮部右侍郎皆南京不
赴志行峻潔學務踐履家居二十年天下高之年八十六贈
太子太保謚文懿

馮時可曰章公篤信朱子其于異說如以正軍遇偏師搃
千山立屹不為奪其論難五經誠李司徒所謂寸挺撞巨
鐘迎手而應士皆讐服又何必炫竒立異為也諫元夕燈
火楊仲脩以為非是不及孟子告君然孟子廣欲公過



欲其存天理寧有異平日孜任重道遠黃髮不懈異于
一事標奇終身自負者闔齋自命稱矣

甲申禁晉府屯軍私占鹽場

丁亥免休寧祁門黥縣婺源績溪旱租

甲午睦杲嗣海陽王

乙未潞城王聰浪薨謚宣惠

致仕大學士劉健年九十命巡撫存問

丙申薊州煉金山礦盜屯聚下巡撫周季鳳等剿捕尋解散


癸卯太僕卿張文錦為右副都御史巡撫大同

禁內侍子弟授錦衣官

甲辰千餘人自固原寇平涼涇陽涇水才深二尺騎徜徉
北岸俄大雷雨弓刀皆棄官軍亦不敢出夜渡涇屠王村
東掠禹山南至靈臺復北渡涇自章村登北原固原兵邀擊
却之

七月乙巳朔免江南去年災租

御史陳德鳴言陛下德政不無稍怠如傳奉如踵舊轍腹
心尚寄貂璫召對不聞進講日踈言忤權貴輒加沮抑事涉
聖躬漫無可否左右嬖倖希圖恩澤援引無據夤緣冒濫祿



秩金帛加賜亡極有一于此作以召災况兼而有之哉章下所司

丁未詔軍衛軍如成化八年例每三年清核

嚴軍職冒籍異姓之禁

戊申御史汪珊上言十漸 陛下初即位天下忻然望治比

乃漸不如初、事獨斷今戚里左右得潛移陰假一也初咨

訪大臣令貌隆情疎二也初罷諸淫祠今稍、議復三也初

屏絕玩好今教坊諸司技巧雜進四也初日覽章奏今式憑

左右可否五也初草冗食冗費今騰驤勇士不得覈御馬定

數不得稽六也初裁錦衣冒濫今大臣近侍封爵世廕藩邸

旗校盡補親軍七也初罪闈正法今貸死罰金後將何懲八

也中官有過初皆不任今鎮守、備營換啟倖九也初納諫

如流今言事曰不准論罪曰有旨訑訑距人十也下所司


已酉詔南國子監及各省提學脩補經史殘缺廣西副使劉

節疏請

浙江湖廣江西俱早令各撫按講積穀脩賑

定上貢物盡輸本色

濟寧管閘工部主事陳嘉言逮獄太監溫祥費寶冊往安陸



劾其侮慢

甲寅南太僕卿吳一鵬為禮部右侍郎南祭酒汪偉為南禮部右侍郎

詔御用監歲徵物料如弘治例正德中事增數倍

乙卯定武舉騎射四矢以上步射二矢以上

丙辰開原邊垣竣

故蘭州衛指揮張瀛摠旗施二各贈官立祠正德中殉

丁巳免安陸各庄佃戶租十三餘供享祀歲費毋輸京師

廣西海盜平

丁卯祭故御史馮顯部主事劉天麒忤逆瑾死

再議江西各官失節之罪左布政梁宸都指揮馬驥論死右

布政胡濂右叅政劉斐都指揮僉事王玘白昂都指揮同知

許清右叅政程景右叅議許效廉僉事賴鳳王疇謫戍副使


唐錦削籍右叅議楊學禮閑住同知張祿知縣徐志道謫


己巳南京暴風雨江水溢壞田廬鳳陽淮揚亦如之

刑部尚書林俊請內臣有罪下法司報聞

時多下
司禮監

廣西巡按張鉞劾錢刑部尚書張子麟以私通宸濠命案其事後王守仁謂子麟啟宸濠臣誠見之當即焚燬且奸黨為





濠地或詐為貴人書罔利未可盡信子麟遂閑住

辛未初部曹送奏科臣俱褻服受之兵部主事霍韶劾其肆

給事中安磐等論韶誣罔並不問第令各官宜謹飭

套下數入寇指揮楊洪等敗沒議譴延綏寧夏失事者仍趣

陝西甘肅援兵

兵部尚書彭澤自請行邊止之

八月甲戌朔錦衣衛千戶邵蕙為錦衣衛指揮僉事邵太后族

丙子免江西漕米二十萬石仍賑卹

初選婚旨出昭聖皇太后至是傳壽安皇太后楊廷和

言去年宣諭而更之何以示中外遂仍前旨

庚辰左春坊左諭德兼侍讀穆孔暉侍講溫仁和主試順天

夜月犯房宿南第二星五星逆犯疊陣西第五星

癸未立平和縣隸廣西惠州

戊子勅各邊墾田議便以聞

誅福州叛卒曹宗德唐清黃英及指揮陳傑前導進貴等之

亂逸罰

己丑故山西布政司叅議呂鏜贈左叅政鏜任御史劾逆瑾

遷叅議逮杖卒

國權 嘉靖元年

加廢孫燧許達錦衣正千戶

奪 犯邠州大掠總兵劉淮奪職

庚寅存問前大學士劉忠

戒諭壽王祐楮王恕並知府韓重奪五級

遼東馬雲葉旺祠前總督尚書王翱

辛卯日講官祭酒趙永講論語首章未竟退命太監慰諭

壬辰大名府元城諸生陳萬言授鴻臚寺卿即日改中府都

督同知以將冊立長女為后故也

甲午鄭卿為署都督僉事總兵官鎮守陝西

太原地震

乙未免大同夏稅

夜火星在鬼宿犯積屍

戊戌釋故江西提學副使李孟陽獄孟陽交通宸濠無狀第

嘗作陽春堂記削籍

庚子勅兩京文武臣修省

上 寇鎮原縣


九月甲辰朔巡按江西程啟充上逆濠私書劾王守仁張黨惡

宜奪爵戶科給事中汪應軫主事陸澄皆奏辨御史向信以

國權

嘉靖元年

十七



應同鄉陸澄門生黨比欺罔 上不問

戊申修南北郊祭器

辛亥免山西馬邑廣靈田租

甲寅命定國公徐光祚大學士楊廷和為正副使持節行納采問名禮

脩撰唐皋言治河如嘉湖人壅桑法運淤泥務去河遠省歲濬山東多泉源乞分司主事親行疏浚部覆從之


戊午命武定侯郭勛充正使大學士蔣冕費宏充副使持節行納吉納徵告期禮

辛酉月犯昴宿西第一星

前命科道部曹覈御馬場草地踰年盡得其私奏上部戶請罪內臣 上意宥之是日日講罷輸諭輔臣草場事毋竟楊廷習此最為先朝之累侵官民田凡萬頃毀人塚亡葬不罪之何以示後明日降罰舊內臣有差

癸亥南吏部尚書羅欽順歸養

甲子前南刑部尚書陳壽卒字本仁寧遠衛籍江西新淦人成化壬辰進士除事給中以直著敬歷中外剛介一節予祭葬



鄭曉曰予聞之禹貢云居官而致富者為雄杰夫漢俗近古猶若此又何責于後世之靡者乎陳司寇立朝四十餘年于權奸歛施無所跛倚屢起屢躓家貧不能歸流寓南都敝屋頽垣不蔽風雨卒不能殮豈不為雄杰者所姍笑耶然縉紳慕其風節願為執鞭可以愧墨夫矣

先生

楊一清曰宋王素為諫官言人才難得無事之時當為朝廷愛惜程明道為御史告君曰使臣拾遺補過則可若搜索臣下短長以沽直名臣不能也本仁得之矣

丙寅工科右給事中安磐言先朝巨奸如張忠劉養常竊等

恪賂希用上諭果彘緣許偵校跡之母隱已給事中毛紀

又指谷大用魏彬張永等論如前旨

已巳監生何淵請立生世室奉興獻帝如周祀文王遺意

下部議

大風晝晦

辛未立皇后陳氏陳萬言之女遣成國公朱輔克正使大學士楊廷和毛紀克副使持節奉冊寶行奉迎大禮


十月癸酉朔南大理卿任漢終養

復設雲南永昌軍民府

國權

嘉靖元年

十九



治故刑部尚書吳雲墓于德安雲江南宜興人

种勛為署都督僉事提兵官鎮守寧夏

癸未裁蘭州驗糧主事

錄廣西十八寨功廕雲南巡撫何益春百戶

甲申永平地屢震

乙酉傳制封充煜富川王厚嬌江華王勤煥華亭王勤炬寶

坻王厚翼惠安王勛泚福山王厚燁新昌王融岐崑山王顯

榕楚世子

山東道御史劉廷蘆乞復晚朝奏事從之

戊子冊恭妃文氏順妃張氏

夜金星犯南斗杓西第二星

己丑賑應天湖廣江西廣西

壬辰故大理右寺丞黃鞏贈大理卿字伯固福建莆田人弘


治丙辰進士鞏與茂烈名行相次惜未究其人皆無子而鞏

年尤夭雖然觀二人所樹立亦可與天壤俱敵矣

蕭陽文獻志曰鞏常言曰人生任官至公卿大都不過三

四十年惟立身行道為千載不世朽之人往々以彼易此

何耶其素志如此沉敏好學雖疾病支離手不釋卷詩文



清粹和婉凡自成家莆田一時人物

癸巳刑科左給事中張翀乞罷鎮守內臣報聞

禮科給事中章僑御史梁世驥請正學訓士一依程朱之言
文斥艱險從之

丙申故山西翼城典史榮朝贈榆次知縣洪洞倉大使趙朔
贈文水主簿各勦賊死

辛丑左都御史金獻民言王府承奉以下不職聽撫按糾劾
從之


壬寅神木所仍曰神木廠并減冗役

王守仁辭爵且言同事諸臣斥謫之枉不允辭

十一月癸卯朔甲辰芒部軍民府土舍隴壽襲知府故事土官
九品上皆入京得襲壽以庶弟爭兵不敢離土事聞聽襲
薊鎮提兵馬永平煉金山礦盜命塞礦穴

乙巳兵科給事中陳時明劾太監蕭敬宜斥外敬在先朝頗
忠謹 昭聖嘗語 上此閣可任故 上不深譴

戊申禮部議土官朝貢五事曰定賞例視品高下輕重為差
曰草宿弊遠例進貢冒廩餼絹紗曰處進馬先朝進馬布政
司易銀貯庫今進馬至京騷擾曰明進收進香先赴部驗進



內府曰防欺偽詐稱賞賜恐喝夷衆 上從之
夜月犯奎星

己酉更定山東四兵備道屬邑

前通政司右通政張龍交通錢寧論死

庚戌命順天尹禱雪

辛亥廣西思明盜黃鏐等伏誅

甲寅夜月犯昴宿西第一星

丁巳免遼東屯租

山西盜劫沁澤流入河南

戊午修撰舒芬編修江暉馬汝驥費霖王思郎中夏良勝給
事中汪應軫石天柱黃臣張原御史曹嘉寺副郝鳳行人顧
可久劉顯麒王懋潘銳太常博士陳九川各陞一級
己未萊蕪盜平

亦不剌千餘人犯岷州百戶俞泰戰于冷地敗之
故 府長史莊瑛贈太常少卿


前戶部尚書鄭宗仁卒

夜木星犯羅堰下星

丁卯至日免朝賀

國權 嘉靖元年

十二



御史唐鳳儀言分守分巡等官巡歷郡縣每三月行部十一月還司報可

戊辰免鳳陽淮安等田租

己巳工部尚書陶俊改南兵部

庚午祭肥河衛都督命事加罕察亦迷河衛都督命事賽哈

禮工部右侍郎吳一鵬童瑞等詣山陵卜 大行皇太后塋

逮訊李隆

禮科給事中劉最請 上日誦大學衍義勿令左右近習誘

惑報聞

辛未始御西角門視事

致仕大學士劉忠謝存問勸敬天法祖抑邪進賢 上褒答

廢中書舍人

大理卿鄭岳請正內臣賈全等侵盜罪報聞

十二月癸酉浙江湖州大水折漕六萬石發益課五千金賑之

夜月金星相犯


乙亥工部左侍郎趙璜為工部尚書

改督理易州山廠工部右侍郎沈冬魁為戶部右侍郎提督

倉場

國權 嘉靖元年

三



湖廣飢折漕賑卹

丁丑諭兵部許盜賊首免

南太僕卿潘希曾奏郡縣虧馬每匹徵十八金報可

戊寅陝西流盜掠綏德米脂吳堡等處殺指揮瞿相

遣給事中

御史

按河套失事及山東礦盜

己卯濬安徵潛江縣淤洲

山西道御史楊百之言錦衣衛正千戶張儀勸太兄監銳卻

宸濠之餽私語御史蕭淮發其逆謀今儀例草為寃工科右

給事中安磐劾其游說百之又許磐干請挾私俱不問奪百

之俸三月磐一月銳儀黨逆時惜漏網而百之飾說公論咸

鄙焉

庚辰巡撫延綏姚鎮為工部右侍郎奪督理易州山廠

癸未前左副都御史鄭陽卒

甲申太僕少卿周金為右副都御史巡撫延綏

丁亥改松江知府張文明太常少卿

戊子兵科給事中史道例轉山西按察僉事上言臣欲劾元


惡楊廷和故外臣因上其劾草云 先帝自稱威武大將軍

未嘗力爭而爭 興獻帝曰皇曰考定為欺罔廷和自辨乞

國權

嘉靖元年

三



休不允吏部尚書喬宇兵部尚書彭澤交劾道遂下獄尋謫
南陽通判仍禁言官挾私報怨

設遷曰史道伺旨擠新都 上意已搖其慰留新都詞指
懇篤亦擬于次輔未必宸衷然也

已丑南京守備魏國公徐鵬舉言江南北把搃以下等官俱
聽內外守備節制不聞操江而都御史胡瓚侵權非故事兵
部覆協議 上竟歸本兵守備
開原大飢

甲午裁各省冗官

山東盜久不獲逮兵備副使黃昭事僉事王浚下獄

丙申 寇山西掠偏頭關外

丁酉 上始御奉天殿受朝

壬寅刑部左侍郎臧鳳被召聞警仍至大同


是年設四川永寧叅將初貴州迤西守備邵鑑奏前叙瀘大
壩地方與烏川芒部等密邇其芒夷出劫必由永寧乞增叅
將遂移迤西兵備駐畢節川省叅將駐永寧

郭子章曰事關兩省雖天子使臣引嫌鑑邊境小臣耳而
抗疏言地方大計賢哉一言而百世之利也

國權

嘉靖元年

三五



國權

嘉靖二年癸未

正月癸卯朔尚書兵部彭澤被劾求去不允

甲辰工部左侍郎童瑞豐城侯李旻督治山陵

兵科給事中夏言勘還外戚沈傳吳讓所占民田別以没入

閒田給傅讓

已酉流盜至考城副使李珏都指揮凌偁擊之頗有斬獲遽


退盜復振中都留守顏愷會僉事郭震禦之河南兵亦至戰


國權

嘉靖二年

一

國家圖書館, NATIONAL CENTRAL LIBRARY, TAIWAN, R.O.C.





于郭村敗之指揮趙泰等三十餘人官兵八百餘人死之

夜月生連環暈畢昴二宿五車等星俱在暈內庚戌夜火星入太微垣

辛亥楊廷和求去慰留之

夜月犯昴宿

癸丑許九江兵備副使節制黃蘄

乙卯 上祀天地于南郊

御史曹嘉劾吏部尚書喬宇 求去不去允

戊午楊廷和毛紀蔣冕各求去閣虛跡數日累遣內臣鴻臚

寺諭留

徐學謨曰一時大臣黨同過激殊非事幼君之體自後邪

臣伺隙離間日生新進用事老成削迹未必非廷和輩自

處太高有以媒之也

癸亥立洛陽周公廟巡撫何天衢言觀星測景二臺公之遺

跡也

夜月犯日星

乙丑起邊憲戶部右侍郎總督倉場

丁卯 小王子入沙河堡搃兵抗雄戰卻之

庚午右副都御史盛應期巡撫江西

湖廣瀏陽盜流劫江西袁州

二月壬申朔羊皇庄仍禁勲戚受獻從兵科給事中夏言之議

丙子謫史道往南陽府通判

戊寅大學士蔣冕吏部尚書石瑄主禮闈

增巡捕營邏卒三千人

己卯改勅提督宣大侍郎臧鳳并督山西三關及紫荆居庸

倒馬等關

庚辰江西布政司叅政邢珣徐璉考察當罷以軍功加布政使致仕

癸未賑遼東

丙戌夜月食

丁亥獎卓異布政使王蓋孫祿張璉按察副使王廷相袁檉

周廣魏校徐文華汪玉叅政顧璘鄭毅林富知府羅僑歐陽

鐸朱裳翟鵬俱遣賜酒幣

戊子前江西臨江知府戴德孺服雲滿進雲南右布政使德

孺征宸濠有功


己丑劉泰嗣廣寧伯劉信之孫也

定淮益每引七錢

國權

嘉靖二年

三



庚寅許陝州引益

以湖廣左布政使孫祿為應天府尹

壬辰前戶部尚書侯觀卒贈太子少保

癸巳前武英殿大學士劉忠辛字司直河南陳留人成化戊戌進士官編修弘治時遷侍讀學士正德初進學士日講以忤瑾遷南禮部右侍郎尋進尚書改吏部克舉其職內召專理制誥直東宮瑾誅始入相又忤張永摘程錄之舛託省墓去敦重寡欲志節不替贈太傅謚文肅

吳瑞登曰真金之性不畏烈火松柏之茂凌寒不衰忠在

講筵知有啟沃朝廷而已不知有近幸也在南京惟知操持法紀而已不知其閑散也其于劉瑾輩何有而况于黨乎當武宗之朝所如不合宜也而世宗初年亦不肯翻然而起為中興柱石惜哉

河南山東盜平


方面官經撫按論毋奏辨聽吏部徵實

丙申 孝慈皇太后葬茂陵右

易 興獻帝陵廟黃瓦

丁酉禁請調寄養馬匹

國權 嘉靖二年



戊戌廣東清軍御史兼益法

庚子 上御奉天門始鳴鐘鼓

辛丑禮部尚書毛澄致仕

治京師北城垣河

三月壬寅朔御史曹嘉倣范仲淹上百官圖品第廷臣曰資望頗久可備任用林俊石瑄孫交汪俊劉玉陶俊李時董玘曰
欽束寡過足供職守毛澄金獻民周倫何孟春李鉞鄒文盛
張鳳張濬姚繼岩張雲張衍瑞劉麟張九叙溫仁和豐熙曰
人品庸衆尚堪策勵趙璜曰行檢卑汚速宜削奪張子麟給

事中安磐毛玉各言其輕肆謫昌邑知縣

摠兵魯綱班師還京

南禮部尚書楊廉致仕

甲辰女直撒刺衛都督命事都魯花乞大帽金帶予之


辛未禁陝西湖廣四川私茶

金木星俱晝見

四月壬申朔勅群臣修省

南刑部右侍郎王縝為南戶部尚書南太常卿王承裕為戶部右侍郎摠督倉場

國權 嘉靖二年



癸酉命有司月給右副都御史方良永米三石仍著令凡致
仕終養節行可稱例優之

甲戌遣官祭廟社山川

丁丑南右副都御史胡瓚為南刑部右侍郎南光祿卿劉瑞
為南太常卿侍讀崔銑為南祭酒

浙江布政司左叅政顧璘為山西按察使

辛巳刑部主事陸澄以駙馬都尉崔元鬻獄上其書有旨刑
官執法自其分何必封奏名帖沽直置之

設遷曰陸澄出王文成之門好為名高方標一節以自見


而 上不憂其餌也雖一時裁答足規人臣以愧彼矜異
者後之人猶不即戒往、類于澄何耶

壬午巡撫保定周季鳳佐南都察院起林玉南右僉都御史
總督糧儲

癸未錄宋儒朱熹裔孫暨五經博士于婺源奉祠

祭故工部主事費瑄于召梁洪成化間瑄築堤賑疫
增青州兵備起復僉事牛鸞為之以其有幹略

己酉戶部主事羅洪載下獄錦衣百戶張瑾率校尉楊受等
支俸橫取洪載按其罪瑾迫佯求杖洪載信而杖之遂訴其



檀答 上怒下鎮撫司部科論救謫湖州通判

丁亥罷獨流廠常課軍官

戊子祀晉處士陶潛于彭澤

己丑致仕南刑部尚書陳壽卒江西臨江人以剛正廉介稱

庚寅蠲宣府大同椿棚銀

辛卯 科給事中汪應軫請革京城舖戶部言舊制不可

改惟先給價從之

癸巳勅兩京三品以上及撫按官各舉可守令者以聞

前南兵部尚書劉機卒順天大興人成化戊戌進士授檢討

歷今官贈太子太保

乙未 興獻帝廟享用八佾

戊戌遣刑部郎中錦衣錦千戶往山東按巡按御史李獻事

杖鄒縣知縣沃潮死潮母訴寃


己亥鎮寧王見灑薨

閏四月辛丑朔右僉都御史周倫歸養

壬寅庶吉士應良服除授編脩

甲辰更作國簿大駕

乙巳楊廷和等疏止齋醮報聞時太監崔文誘 上齋醮令



內臣若干人習其學廷和極言其不可引梁武帝宋徽宗餓
臺城囚金_下為鑒且近舉劉瑾錢寧張忠張雄廣造浮屠致
殺身亡家詞竭剗切上雖勉答之自是益疎廷和
丙午命司禮太監張佐錄囚
盜入安徽宿松


丁未更定盜賣官馬之例罰馬二匹鄰僧罰一匹否則永戍
祭故兵科給事中希夔
庚戌前禮部尚書毛澄卒于興濟字憲清江南崑山人弘治
癸丑進士第一授脩撰進右諭德侍東宮歷今官孝友性成

贈少保謚文簡

馮時可曰 敬皇帝時士大夫爭勤事不喜事爭正言不
偏持詭言而毛先生為之領袖及當正德嘉靖間嬖臣權
臣相禪公介其中引大體守正學前銜後繳卒不能加豈
非淵塞博大無矜節無敢名君子長者之行有以潛消而
默奪譬之明堂重殿峻垣百仞魑魅狐鼠能窺哉得全
昌誠哉是言矣

辛亥前刑部尚書太子太保劉璟卒

乙未太監崔文蒼頭有罪下刑部已移鎮撫司尚書林俊執



奏 上怒責對狀俊引成憲為言受國恩厚不敢愛死 上頗優容之

庚申陝西盜楊錦等伏誅

雲貴廣西及廣東之雷廉高瓊前領雜秩及土官衙門千戶所吏目即用本省隣省人兼選黃河以西甘涼肅如之

壬戌蠲真定夏稅

癸亥故兵部左侍郎贈南工部尚書

甲子四川董卜韓胡宣慰司貢使一千七百餘人禮部上言弘治前僅一千人裁其賞三之一命後此視弘治例

西海亦不剌與套下伺甘肅涼州聞李鉞仍陝西總制

丙寅火星犯太微垣右執法

己巳大旱命禮部祈雨

五月庚午朔 犯密雲入石塘嶺殺指揮殷隆等

署都督僉事武振充總兵官鎮守甘肅

四川威茂陝西同州地震至癸酉山西蒲州地震

孟子五十代孫公肇襲五經博士


丙子榮王府火

丁丑大同前衛雨雹厚四五尺

國權

嘉靖二年

九



戊寅大雷雨碎觀象臺侯風杆石

庚辰前南工部尚書黃珂卒四川遂寧人成化甲辰進士贈太子少保為副使忤劉瑾在兵部却宸濠餽遺執不從護衛之請風節如此

編修湛若水言輟講之後燕居易禠宜時、省覽講章脩撰呂柟上言 陛下初政漸不克終宜親賢遠奸窮理講學俱報聞

辛巳故工部右侍郎劉丙謚襄敏

大理卿鄭岳錦衣都指揮使王佐往按李隆獄

夜月犯心宿

乙未西邊稍寧許李鉞入朝

戊戌故御史蔣連贈光祿少卿予祭宸濠之變勤事死

六月庚子朔議邊方巡撫久任

己酉監兌官復命不必候代

辛亥先是楚王代鎮國將軍榮濬等奏借帑金賑乏 上諭

祿糧補給其例外之請毋輕上


免直隸廣平田租

壬子故太常少卿張衍瑞贈太僕少卿予祭塋直諫屢貶

國權

嘉靖二年

十



癸丑 上閏災傷除漕運各稅俱減十之五
金星犯牛宿

甲寅日本貢使宗設至浙江寧波尋瑞佐宋素卿等亦至故
事宴貢使叙先後素卿欲凌之宗設殺瑞佐素卿走慈谿宗
設縱掠殺指揮劉錦袁璉蹂躪寧紹間奪海舟出洋去

山西陵川盜起

乙卯增南京歷事監生

丙辰增順天府廩生二十歲貢二

盜劫萊蕪獄轉掠淄川金鄉新泰泗水魚臺 山東省

丁巳吏部尚書喬宇在告免朝謁專理部務

己未祭故天津兵備副使胡文璧正德間太監張忠陷成于
陝西死焉


司設太監馬俊請增上供物料工部執奏仍視弘治間例
夜月犯昴宿

癸亥山東沂莒郯城安邱日照大水

乙丑順天府尹張璉為右副都御史巡撫遼東

入甘肅永昌殺指揮孫仁百戶高經

戊辰禮部覆日本宋素卿符驗乃弘治時其正德所給云宗



設奪之不可信給事中張紳御史熊蘭言罪且犯順遂下素
卿及宗設餘黨于獄

湖廣寶慶蝗

七月己巳朔英熔嗣通城王

庚午復除南刑科給事中

祠故大學士劉珣于鄉

前所汰濫秩王邦奇等屢瀆辨科道以為言命禁之

山東布政使王軌為順天府尹

壬申編修張璧為侍講檢討張衍慶為修撰

富陽王安濯薨

浙江定海衛空中聲如雷驟風雨地大震城堞盡毀

山東膠濰昌邑高密蓬萊福山萊陽黃縣等大水災

禮科給事中劉最劾太監崔文左道蠱惑糜費內帑 上怒


謫廣德州判官

勅應天巡撫李充嗣賑飢

八月戊戌朔蘇松常鎮大水傷稼

廣東盜申大搃劫新縣

己亥左都御史金獻民改刑部尚書南禮部尚書秦金改南



兵部禮部左侍郎賈詠改吏部巡撫河南何天衢為南工部
右侍郎

庚子壽寧侯張鶴齡進封昌國公慶陽伯夏臣進太子太保
都督同知陳萬言封泰和伯

南禮部尚書秦金因災異歷數 上政不能如初 上是之
辛丑應天滁和等大飢截漕三十萬石賑之

召提督宣大山西刑部侍郎臧鳳入京

開封大水

壬寅免大同田租

夜水星犯上將星

癸卯蠲順天保定永平河間田租

甲辰邵蕙嗣昌化伯

乙巳總督漕運右都御史俞諫還院刑部左侍郎顏頤壽為

南禮部尚書改南吏部右侍郎朱希周于禮部

廣寧衛天鼓鳴

卜入畝嶺口搃兵馬永擊却之


丁未萬壽節從吉受朝以 孝惠制未終免宣表呼嵩

戊申太陰犯十二諸國秦星

國權

嘉靖二年

十三



己酉月犯壘陣西第五星

癸丑錄奉迎防守功進太傅定國公徐光祚太保武定侯郭
勛並兼太子太傅鎮遠侯顧任隆豐城侯李旻惠安伯張偉
並太子太傅遂安伯陳總太子太保

甲寅刑部右侍郎孟鳳為左侍郎召南刑部右侍郎胡瓚代
之南禮部右侍郎汪偉改南吏部

乙卯巡撫山西胡錠總督漕運兼巡撫鳳陽

免開封彰德衛輝田租

戊午南太常卿劉瑞為南禮部右侍郎南右副都御史周季

鳳為南刑部右侍郎

庚申拓吳公言偃祠給祭田

金復海盖大雨水壞城舍溺人畜亡筭議賑卹

辛酉裁雲南五井鹽課司副提舉

入遼東丁家堡都指揮王綱敗沒

夜金星犯左執法

壬戌南右通政聞淵為應天府尹


癸亥巡撫山東右副都御史鳳陳梧佐南院

丙寅武定侯郭勛私逮邊衛指揮為御史許宗魯所劾不問

國權

嘉靖二年

十四



丁卯江西陝西左布政王蓋畢昭為右副都御史順天府丞

王堯封為右僉都御史巡撫河南山東山西

禁勳戚結婚內寺時太監李宣故逆瑾黨締姻外戚復提督

京倉戶科右給事中孟奇請禁從之

九月戊辰朔南大理右寺丞林希元以寺卿陳琳等劾其抗違

謫泗州官判

秦王府火

壬申戶科給事中汪應軫請改南京便養許之

癸酉南戶部右侍郎吳廷舉賑安慶徽州寧國太平

夜月犯南斗

甲戌楊廷和一品四考進太傅

山西隰州地震

乙亥巡撫大同張文錦請增設水口官亭黑河柳溝樺溝五

堡從之蓋大同城北平行一鳴鞭即至蕩無可禦築堡各

距城六十里為外捍

丙子下戶部覈官庄田額以成弘間原數聞


賑遼東

署欽天監光祿少卿華湘言勝國至元辛巳造授時歷冬至

國權

嘉靖二年

十五



歲差迄今不同故正德戊寅日食巳卯庚辰月食時刻分秒與本監所推不合乞賜中秘歷書及國朝歷志准臣親督中官正周濂等詣觀象臺推測許之巳卯故贈江西按察使周憲配享孫燧許遠旌忠祠舊祔贈太常少卿黃宗光祿少卿馬忠聰罷之從巡按御史鄧顯麟之議

庚辰遵化地震

壬午吏部定雲貴土官應襲內地寧謚仍赴部襲職免納穀其邊遠或仇殺撫按代奏聽襲仍納穀賑備如勘報遲一年


外罪之

癸未入遼東椴木山指揮閔振等追敗之分部入密雲白崖廠掠人畜

甲申封厚煙玉田王勤熒湯溪王睦杲海陽王睦捨曲江王彥檣南渭王厚燉東平王厚櫛歷城王厚輝光山王彌銀承休王

戊子上傳黑帖給安陸使臣馬匹兵部尚書彭澤言黑帖乃先朝弊政難辨其真偽乞用硃帖遂傳紅如舊制

巳丑成國公朱輔卒贈太傅謚恭僖輔位上公服食雅素善



吟誦不異儒者

辛卯清出庄田並給主

甲午故南禮部尚書章懋遺孤貧甚命每月給米二石

乙未南禮部尚書顏頤壽改南戶部

十月丁酉朔工部右侍郎沈冬魁為南禮部尚書

癸卯太常卿楊一漢為右副都御史巡撫貴州

乙巳夜月犯壘壁陣東第六星

丙午光祿卿高友璣為南刑部右侍郎

逮臨洮知府郭九臯前守永平有魏國公賜田洪武末已辭

免至是徐光祚云民間所占九臯不為理因嘆藥州人趙紀

誣告東廠太監芮景賢云受賄下鎮撫司科道爭之不得

戊申免大名田租

進士曾梧聞母疾私歸詔原之

盜掠福建長樂安溪仙游

辛亥戶部尚書孫交致仕加太子太保

何喬遠曰世宗即位林俊孫交彭澤喬宇俱以耆德宿


才列長六卿未几皆去海內皆惋惜之四君子者或鳳峙

鸞翥羽儀朝宇或周商鼎彝序列堂廟則天下人所用跂

國權

嘉靖二年

七



迹而追風者與

甲寅南太常少卿邊貢為南太僕少卿

丁巳夜月犯軒轅左角星

己未兵部尚書彭澤致仕進少保兼太子太保

辛酉故巡按山東朱節贈光祿少卿

壬戌科道以貸何明王欽等死遣戍免追贓時謂廖鵬輩賂

左右致之并寬群囚仍乞正罪不報

乙丑停文田初御史王佩所請成安人言其擾

丙寅朝鮮上倭俘二人斬十三級又歸我八人

十一月丁卯朔召南兵部尚書秦金于戶部

己巳增雲南曲靖兵備副使

戊子南戶部左侍郎吳廷舉為右都御史兼巡撫應天戶部

左侍郎邊憲為南刑部尚書

庚寅江北水災議賑救

癸巳兵科給事中劉穆往沿海酌倭貢通絕

甲午戶部右侍郎鄒文盛為左侍郎提督倉場右侍郎王承


裕回部撫治鄖陽徐蕃為南戶部右侍郎

南兵部右侍郎席書賑濟江北

國權

嘉靖二年

大



丙申設荆襄兵備副使

十二月丁酉朔巡撫順天史孟春為戶部右侍郎總督倉場廣

西左布政使章拯為右副都御史撫治鄖陽

壬寅李隆論死

丙午陝西左布政使劉澤為右副都御史薊整薊州邊備兼

巡撫順天

己酉寧夏地震

庚戌先是禮科給事中章僑請戒浙江鎮守太監梁瑤謀免
織造亡何內織染局太監刁永求遣官織造工部請下鎮巡

官毋煩內臣提督楊廷和等言浙直旱飢江北水災白骨成
堆幼穉計斤而鬻願停選遣不敢撰勅上趣之九卿科道
皆力言其不可報聞

夜月犯五諸侯東第一星

壬子夜月犯軒轅大星

故山西寧武關守備陳都指揮僉事蔭指揮使立祠

經贈

丁巳吏部右侍郎何孟春以災傷引漢魏以來奏記八事曰


魏韓麒麟請禁止侈靡曰唐陸贄請慎重賞罰曰宋王禹偁

減百官俸皂曰范鎮請裁革冗費曰蘇轍請交泰召和曰范

國權

嘉靖二年


九



仲淹請遣使勞撫江淮百姓曰廖剛禁遏糴曰趙汝愚請災
傷預免來歲稅糧 上曰官俸勿減餘如議
庚申戶部左侍郎鄒文盛為南右都御史
癸亥災傷免明年慶成宴脩撰唐皋言禮不可廢從之
前南刑部尚書劉纓卒字宇清江南吳縣人成化戊戌進士
令滕縣拜御史歷按福建廣東有能聲以入朝言事下獄尋
復秩進太僕少卿拜右僉都御史巡撫四川逾年予告復薦
撫四川先後六年平松茂疊溪諸叛番正德丁卯裁去尋撫
湖廣治夔荆之道人大便之逆瑾詰其擅逮獄會赦免仍鎮

湖廣尋進南大理卿至今官秩滿引去年八十三予祭葬所
至有紀述獨不能盡得鄉曲聲

馮時可曰嗟乎士生叔季當榛荆敬亾之區眾咻旁晚左
掣右抑難乎其為遇合哉有幸而得遂者往々旋其面目
窺人肺腸不先創不獨肩悠々漠々以擁風塵而據華膺
予所覩記才術士大都如是劉公諤：先朝耳日肺腸
能自為用絕不陰陽朝指乃至觸雷霆犯虎豹佔焦原而
卒以自全豈非十百中一二乎易曰履信思順自天祐之
吉無不利乃公活千人奠社稷九廟神靈其格之矣彼邪



倭者其能寢處哉

國權

嘉靖三年甲申

正月丙寅朔應天大名西安開封地震

癸酉木金星夜相犯

甲戌秦王惟焯奏請國初所賜潼關以西鳳翔以東沿河灘

地上以侵民不許


丙子山東曹州地震河南偃師新安天鼓鳴

丁丑 上南郊

國權 嘉靖三年

益官設遷孺木著

國家圖書館, NATIONAL CENTRAL LIBRARY, TAIWAN, R.O.C.



壬午五星聚于營室

乙酉免浙江嘉湖田租

湖廣麻城妖民萬明福伏誅

丙戌南刑部主事桂夢上言大禮自張璁霍輜上議時指為干進遂因循至今然是失也綱常所繫誠非細故慨興獻帝弗祀二年矣而臣子肆然自以為是豈君臣一體之義哉願陛下速發明詔循名考實稱孝宗曰皇伯考武宗曰皇兄興獻帝曰皇考立廟大內興國太后曰聖母則天下之為父子君臣者定矣并錄南兵部右侍郎席書吏部

員外郎方獻夫二疏上命下廷議桂夢正德進士有文

名楊一清一見喜甚選丹徒令後巡按論夢改青田棄歸署都督僉事魯綱提兵練團營三千人聽征時朵顏都督花當子把兒孫犯邊


戊子浚海口新河

夜月犯南斗東第一星

辛卯災傷暫停外解軍器

癸巳右副都御史劉玉為刑部右侍郎

甲午推官李本戴金行人王時柯王懋博士馬明衡知縣王



泮沈教任佃曹弘蕭一中邵函王舜耕陳裒監田胡體乾方
啟顏朱淵李文芝劉隅章袞段續潘壯白清屠應坤趙德祐
王獻李嵩朱佐喬祺司馬泰教諭嚴燦等並為御史
趣內閣草織造勅

乙未免南各衛屯租

興國太后壽節命婦朝賀


二月丙申朔免江西吉安田租

丁酉禮科給事中鄧繼曾上言頃傳中旨事不考經文不會
理或左右竊寵故不由閣議上怒下獄謫江南金壇縣丞

庚子復王時中右副都御史

侍讀湛若水請講磨聖學引易屯否二卦屯則陰陽始交而
難生 陛下登極之時也否則陰陽隔而不通 陛下自視
今日何如哉願親賢臣博求先王之道報聞

徐學謨曰 上登極之初何謂始交而難生登極才三年
何遽名為否非惟憂治危明之過抑且于經義殊不相蒙
主上冲年尤不宜進此疑駭無當之論以啟其疎遠儒臣
之端其後若水雖至大僚終不柄用累以偽學用之未必
非此疏為先入也



壬寅免各邊巡撫入京議事


丙午少師大學士楊廷和致仕以大禮織造積忤乞歸禮部尚書汪俊曰公去誰可主者言官交章請留之不聽

凌稚隆曰公明達有謀敢于任事康陵巡幸不草勅又擒滅元凶中興一詔朝野肅清尊號之議首尾數十疏輕家族以博中興古社稷臣也豈可易議哉

溫純曰公停威武勅不草竟見信任居守維勤擒瑾詒彬柙虎逐狼外寧內安人孰不服公有定傾之功然後手扶日月啟四十六年丕承之烈又孰不歸公有定策之忠比

其力辭伯封耻為瀚上之請寧守磴不從永嘉之議又孰不亮公有信心之介惟是肅皇帝知公人、能言之毅皇帝知公信任公未有能言者初公制歸有詔守趣終制即起異數也

孫鑛曰公在正德末名汚然功有可述在嘉靖初高名然功勿克終先冢宰兄嘗曰以楊石齋之宏達際肅皇之明聖使議禮時稍低回其間則丕熙必邁于成弘于社稷不亦康乎嗟夫英主方自外來而敬皇之德入人深舉朝廷不回公如衆何善乎趙文肅之論侯泰陵掃宮後



作而徐圖其後夫豈盡晚新貴人力持之盖有胎于不殺
于謙今日事無名二語際賴二公居多文肅豈飾說焉

丁未內官監太監鄭潤鎮守兩廣張準提督九門初裁督門
潤遷去不當補竟以準代兵部執奏不聽

戊申禮部尚書汪俊等集議大禮云前後章疏惟張璁霍韜
熊浹與桂萼議同其兩京諸臣凡八十餘疏二百五十餘人
皆如部議桂萼等肆言無忌宜罪 上召張璁桂萼于南京
下部再議

己酉召南刑部尚書趙鑑于刑部

庚戌夜南京浙西地震時粟貴

辛亥蘇常鎮江地震


壬子厚燔嗣襄邑王

乙卯建州右衛女直都指揮僉事佟野八等來降徙真廣寧

丙辰夜月犯南斗西第三星

丁巳太原地震

己未初御史何鰲劾都御史吳廷舉賑湖廣留餘銀開布政
周季麟僉事王子謨妄費之端于是追治季麟陞南刑部右
侍郎子謨陞叅議皆罷詰責廷舉疏辭得釋



庚申以水旱地震勅群臣脩省

壽泗寇患責鎮巡官即剿

辛酉罷陝西按察僉事李獻、前按山東枉杖死知縣沃潮

壬戌裁江西布政使右叅政

賑飢鬻米于江北平糶截漕十四萬石更輸金

外官久不赴任訊之著為令

命各省右布政專清戎

乙丑 昭聖慈壽皇太后壽節免命婦朝賀御史馬明衡朱

澍言 興國太后致賀未逾月 昭聖輟而不行非體萬一

因禮文未節稍成嫌隙此非細故 上怒下鎮撫司脩撰舒

芬又言之奪祿三月御史蕭一中李本陳迺戶部員外郎林

應聰申救皆下獄謫應聰徐聞縣丞本迺揭陽合浦主簿

三月丙寅朔諭禮部加 昭聖慈壽皇太后為 昭聖康惠慈


壽 興獻帝為本生皇考恭穆獻皇帝 興國太后為章聖

皇太后 皇考立廟奉先殿側禮部尚書汪俊言 陛下入

奉大宗不得祭小宗亦猶小宗之不得祭大宗也今聖孝無

窮臣等竊効萬一 獻帝徽稱之上仍宜曰興獻于本生不

失尊宗于正統無嫌 上責之宥俊司務范韶等奪俸



戊辰吏部尚書喬宇等屢爭大禮請于 孝宗稱皇考于

興獻等稱本生考不稱監修撰唐皋編脩鄒守益等給事中張

紳等御史鄭本公等各疏止奪俸三月

郭子章曰大禮之議重嗣者議雖非而心則忠重統者議

雖正而意則媚

壬申祭故南吏部尚書孫需并塋

夜月犯五諸侯第一星

癸酉夜月犯鬼宿

丙子前少傅大學士王鏊卒字濟之江南吳縣人成化乙未

進士第一授脩撰進侍講拜士侍講學士直日講日侍 孝

廟講讀東宮出閣尚書馬文昇請簡正人以端國本首薦鏊

進少詹事歷吏部右侍郎 上以籌邊八事多見采用以左

侍郎直閣進戶部尚書轉武英殿以德業著尚書韓文請誅


逆瑾 上詰問鏊言瑾不可不除自度不能久于位求去居

間十餘年海內想望丰采立朝大節卓有可觀士大夫惜其

用之未究云年七十五贈太傅諡文恪

袁袞曰世以文學稱王公豈知王公者耶厄于權奸竟不

得一用所學少據其經綸天耶人耶昔敬輿沮于延齡古



今同惜東陽絳灌何代無之矣獨王公哉

丁丑詔安陸松林山曰顯陵

已卯汪俊奉旨集議如前不聽

庚辰吏部尚書石瑤祭酒趙永各論大禮報聞且大禮既定

上止張璉桂夢來朝

辛巳御史金符謫鄧州判官符巡山海關巡撫孟春劾其乖

張及入朝都察院奏如春言

徐學謨曰金符不置辨此亦創見事後來惟巡按論巡撫而巡撫唯聽命此世變也


壬午大名府濬縣知縣焦昇上飢民圖

丙戌喬宇等再請止內殿另祀不聽

南京刑部主事張璉桂夢道奏本生對所後而言寔陽與而陰奪之也世無兩考之禮官正借此為辭以明皇上為孝宗之子云尔不亟云本生雖稱皇考寔與皇叔無異謹條七事上心動仍促璉夢入朝

禮部尚書汪俊罷

吏部尚書喬宇推左右侍郎賈詠吳一鵬代俊特旨召南兵部右侍郎席書為禮部尚書喬宇奏書不由廷推由內降非



祖宗故事乞收回成命不聽

丁亥設雲南保山縣

甲午前工部李堂卒

四月乙未朔給事中張嵩曹懷章僑安磐等各駁張璉桂萼等
上切責之

戊午禮科類奏災異自二年六月至今天鳴者三地震三十
八雷雹十八暴風白氣火地裂山崩產妖各一 上勅脩省
魯迷菴王貢獅子西牛等物禮科給事中鄭一鵬言獅子西
牛非土性難養不如卻之報可

庚申編脩鄒守益議大禮云望 陛下屈已從善不吝改過

上怒下鎮撫司謫廣德州判官

甲子 上閱河南災重停清軍御史


五月乙丑朔大學士蔣冕求去 上切責之允致仕仍賜月廩
歲役

脩撰呂柟以脩省自劾不職語涉大禮下鎮撫司謫山西解

州判官

戊辰錄宋濂六世孫德芳入太學

己巳故南工部尚書叢蘭贈太子少保子祭葬



壬申定奉先殿西室名觀德殿奉安 獻皇帝神主祭器如太廟

乙亥巡撫大同張文錦言事稱旨特勅獎之

丁丑南大理卿陳琳為南兵部右侍郎

遣京山侯崔元禮部左侍郎吳一鵬司禮太監賴義詣安陸

上 恭穆獻皇帝冊寶改題神主迎入京 實錄首賴義一鵬

等言歷攷前史並無迎主入大內乞奉于安陸正百世不遷

之祀其觀德殿別立位時慰孝思不聽

予故江西按察副使劉蒞祭葬

己卯吏部尚書石瑄兼文淵閣大學士直閣

裁易州兵備

癸未故南右都御史王珣為南大理卿懋贈太子太保

巡撫江西王珣為南大理卿


丙戌復編修謝丕官前忤逆瑾除名

丁亥吏部左侍郎賈詠兼學士直內閣誥勅

己丑巡撫宣府李鐸為右副都御史巡撫陝西

霍邱天鼓鳴

辛卯孝陵司香谷大用託疾求入京禮科給事中章儵上疏



壬辰吏部右侍郎何孟春為左侍郎召南吏部右侍郎汪偉
于吏部

癸巳應天府丞寇天叙為右僉都御史巡撫宣府

六月甲午朔南刑部尚書邊憲改左都御史

丙申南右副都御史陳鳳梧為南吏部右侍郎

己亥刑部左侍郎孟鳳為南刑部尚書


辛丑戶科都給事中張漢卿劾席書賑濟湖廣乖張累民下
南京科道按之

用樂舞于觀德殿太常卿汪舉言奉先殿不用樂舞今似有

隆殺 上曰奉先殿不用樂舞蓋見于太廟也 皇考止祀

內殿則宜脩切責舉等

壬寅兵部左侍郎李鉞為右副都御史總督漕運巡撫鳳陽
張璫桂夢再陳大禮時入京廷臣欲粹之絕弗與通數日始
朝亟出東華門走武定侯郭勛所勛喜甚約為內助給事中
張翀等御史鄭本公等交章沮之不聽勛即奏其事 上夜
召見璫曰禍福與爾共之如衆洵、何對衆曰彼衆為政耳
天子至尊明如日威如霆疇敢抗者需錦衣衛數力士足矣
上頷之



芒部賊隴政等作亂議征

丙午進張璉桂萼翰林學士方獻夫侍讀學士于是學士豐熙修撰楊維聰舒芬編修王思羞與為伍各乞罷不聽
己酉兵部右侍郎李昆為左侍郎大理寺卿鄭岳為兵部右侍郎

辛亥張璉桂萼疏辭且求廷辨兩者之失吏部尚書喬宇奏寢璉等新命刑部尚書趙璜再論皆被詰

吏科都給事中李學曾等河南道御史吉崇等偶同官七十四人會劾璉萼責對狀宥之御史段續陳相特劾下獄謫相


鉅鹿縣丞續偃師縣丞

河南左布政使劉文莊為右副都御史巡撫雲南
吏部員外郎薛蕙上為人後辨二篇駁璉萼 上怒下鎮撫司璉萼又駁議十三事

癸丑巡撫四川湯沐為大理卿

乙卯脩撰楊慎張衍慶等三十六人奏臣等所執程頤朱熹之說也璉等所言冷褒段猷之餘也不能與之同列乞奪罷慎俸兩月餘皆一月

河南流盜平



丙辰命各巡撫僕代仍趣代者

戊午鴻臚右少卿胡侍疏辨大禮下獄謫潞州同知

己未大學士毛紀請節省纂修 武宗實錄供費 上以故事不允

辛酉順天保定河間及江南徐州蝗戶部命捕之 上諭勘

災免田租

壬戌慶成王竒湏請勅約束宗人許之

七月甲子朔太醫院醫士劉蕙周序言觀德殿名不稱孝親之義乞更之 上以手定怒其妄言下鎮撫司

張儒襲錦衣衛指揮同知故司禮太監朝鮮張欽有贊襄功

廕舍人李賢 沒子儒求襲兵部難之不聽

丁卯太傅瑞安侯王源卒贈太師謚榮靖

戊辰應天巡撫吳廷舉薦 晉江知縣梁景行下吏部


減崇文朝陽東直門稅鈔如弘治例

己巳少保吏部尚書喬宇致仕

壬申免應天蘇松常鎮徽寧池太安慶廣德太倉旱災夏稅


乙亥諭禮部改上本生聖母 章聖皇太后曰聖母章聖皇

太后



丁丑禮部右侍郎希朱周等言詔令之頒未及三月忽奉諭更定則明詔為虛不足取信于天下不聽
兵部尚書秦金右副都御史王時中吏部左侍郎何益春等誥勅吏部左侍郎賈學士曹熙等太常卿汪舉等給事中
張翀等御史余翹等吏部郎中余寬等戶部郎中黃待顯等工部郎中陶滋等刑部郎中相世芳等工部郎中趙儒等大
理寺正母德純等行人司正高節等各言尊親不當去本
生字疏入留中大學士毛純石瑤再疏報聞
沈邱王安浩薨

戊辰群臣朝罷以前疏未下相率詣左順門伏候或呼太
祖高皇帝或呼孝宗皇帝聲淚內徹上齋居文華殿再
諭退不從上怒命錄諸臣名氏具首事曹熙張翀余翹余
寬黃待顯陶滋相世芳母純德下獄脩撰楊慎檢討王允正
撼門大哭群臣皆哭上怒逮五品以下員外郎馬理等百
三十四人于獄四品以上及司務等官皆待罪
已卯上聖母尊號冊寶曰章聖仁慈皇太后
吏部左侍郎何益春等劾張璠等欺罔十三條上以璠疏
留中安從知之責對狀云璠等傳稿且通政使副封在上



復責誰倡云與尚書秦金等一心一口奪孟春月俸

庚辰大學士毛紀乞宥逮繫諸臣切責之

癸未錦衣衛以繫獄及待罪凡二百二十人令貢榜學士

豐熙修撰楊慎檢討王允正給事中張翀劉濟御中余翹郎

中余寬黃符顯陶滋相世芳寺正毋純德皆謫成四品以上

奪俸五品以下各杖編脩王相王思給事中毛玉裴紹宗張

原御史胡瓊張曰韶郎中胡璉無錫戶部員外郎中高平申


良主事俞禎蒲圻仵瑜城臧應奎張潔般承叙安壘司務李

可登卒杖下豐熙字原學人弘治己未進士歷學士議

大禮謫福建鎮海衛寓居云洞講學著書已過莆田居會城
十有三年卒張原字士元三原人正德甲戌進士授吏科遇
事敢言以忤旨降貴州新 駙丞嘉靖初復召為兵科議大
禮杖卒先是有儗司禮監請乞中貴銜之故杖特重年五十
一隆慶初贈官錄其子

湯從吾曰孔子有言求仁而得仁又何怨公八年處困一
旦賜環竟以諫死所稱求仁得仁者非耶憂國如家視死
若飴龍逢氏之儔比干氏之侶與

仵瑜蒲圻人正德丁丑進士授禮部主事提督四夷館才幹



敢言爭大禮杖卒李可登字思善河南輝縣人弘治甲子貢
士正德十三年任大理寺司務轉兵部司務嘉靖三年議大
禮杖卒隆慶初贈光祿少卿

設遷曰人情莫不欲榮其親張桂得其大共以仰承上志
休哉乘時之隆術也新都初王濮議天聽彌高新都去而
上之意盲人、所喻人、不之移猶堅其故舌愈沸愈忤
愈忤愈齷抑獨行也夫諸臣而效張桂亦甚易耳舍其所
易群抵于震霆之下此時新都尚在乎哉而謂以新都故
和响望影亦寬矣三復伏闕之事不勝餘慨云


甲申 恭穆獻皇帝神主至京奉安于觀德殿上冊寶

丙戌初登萊造舟浮海輸遼東花布至是南工部右侍郎吳
廷舉言其無益遂罷

丁亥作鈇斛給塞上諸倉從巡按直隸御史王官之請以為
出納之準

己丑少保大學士毛紀罷紀求去有旨切責放歸仍命有司
給月粟歲役


再杖脩撰楊慎檢討王元正給事中劉濟永成給事中安磐
張漢卿御史王時柯削籍時有言朝罷群臣復上章者故加



杖

八月癸巳朔外轉給事中于桂陳洸史道閻闕御史曹嘉各復
秩洸嘗許潮陽知縣宋元翰元翰為錄以辨寃而潮陽男子
林鈺娶婦賴氏蜂起詣闕吏部例轉湖廣僉事不即赴上疏
用舊銜力稱張璉等攻費宏金獻民等又吏部尚書喬宇文
選郎中夏良勝用舍任意擠于桂閻闕史道曹嘉 上是之
降南太僕少卿良勝茶陵知州洸因擊大學士費宏尚書金
獻民趙鑑侍郎吳一鵬朱希周郎中劉天民薛蕙余才給事
中鄭一鵬皆目為邪黨

大同卒亂殺叅將賈鑑及巡撫張文錦時築五堡各成五千
人卒畏 不樂赴賈鑑苛趣之被殺走塞上之焦山文錦檄
副總兵時陳招入城夜捕首禍者諸卒恐嘯聚焚府署縱囚
噪于臺文錦避博野王所脅王出之殺文錦發武庫仗耀甲
閉城出故總兵朱振于獄推主軍事振戒勿凌宗室勿壞倉
庫勿燹僂衆稍定巡按王官以聞 上咎文錦撫馭失宜賈
鑑嚴刻致變命兵部左侍郎李昆賈勅赦之大同都指揮桂
勇為署都督僉事總兵官鎮守大同巡撫宣府李鐸改撫大
同仍諭宣府保定山西鎮臣嚴為脩鐸憂去 按察使蔡



天祐為巡撫

丙申吏部左侍郎何孟春調南工部

故右都御史俞諫贈太子太保

己亥太監黃偉戶部右侍郎王承裕刑部左侍郎劉玉錦衣

衛指揮使王蘭往勘席書

辛丑前兵部主事霍韜家居上言正名弭衅昭聖久稱聖

母一旦改稱非人情所堪願陛下委曲承權又昭聖禮

秩雖崇然其勢日輕章聖尊稱或雖未至然其勢日重恐

左右不達聖意妄生疑間或以彌文小節遂致構兩宮之隙

莊肅皇后母儀天下十六年接見之儀不可輕忽 上善之

即召入

壬寅 上御奉天殿受朝賀賜宴

大理左少卿張縉為右僉都御史巡撫宣府


巡撫河南王蓋改陝西

丙申旌晉府西河王奇溯孝行

免順天永平保定河間災稅

丁未選京營兵一萬二千人待西征

兵部左侍郎李昆承詔曲赦大同叛卒求歸言文錦築堡守



險良是稍失之復暴骸家潰乞加收卹

己未汪偉益春為吏部左右侍郎

雲南左布政使黃衷為右副都御史巡撫雲南

庚申侍讀湛若水為南祭酒

上魯番攻高臺千戶所

免前大同總兵朱振賍罪叙用

九月壬戌禮部右侍郎吳一鵬兼學士直內閣誥勅

甲子毛江嗣伏羗伯

滿速兒圍甘州至月終始解

許罪人輸粟脩賑

錦衣衛百戶隨全光祿寺錄事錢子勳皆被斥希旨奏遷顯

陵于天壽山工部尚書趙璜言改葬不可者三體迫所安毋

輕犯靈秀所萃毋輕泄根本所在毋輕動皇陵遠在鳳陽孝

陵遠在鍾山皆不敢遷今日猶是也下廷議

丙寅定大禮稱孝宗敬皇帝曰皇伯考昭聖康惠慈壽

皇太后曰皇伯母恭穆獻皇帝曰皇考章聖皇太后曰


聖母擇日祭告

廖鵬獄死刑部請梟首河陔不允

國權

嘉靖三年

九



盜壞徽王祐權封冊

丁卯四川叅將何卿擊芒部賊破之隴政走烏撒趣卿赴追
新野白晝天鳴

十月壬辰朔夜火星犯上將星

甲午特給甘肅京庫硫黃

丙申嚴覈京營原額

庚子遣封聰浪潞城王安復汝寧王英烙通城王麗滋益陽

王彌鏐蕩陰王賓灑德陽王厚燔襄邑王

壬寅吏科給事中陳沈劾吏部楊旦侍郎汪偉郎中劉尚書

勲皆邪黨旦偉皆致仕沈得氣叫囂無虛日已

甲辰科道劾陳沈之奸又歷數其惡 上不問

停遷陵議

戊申山東嶧縣盜平

庚戌設廣東惠來縣

辛亥夏言求豁戎籍許之


甲寅起廖紀吏部尚書右侍郎孟春轉左侍讀學士溫仁和

為右侍郎

右都御史邊憲卒

國權 嘉靖三年

辛



召提督漕運右都御史李鉞還院

乙卯禮部上顯陵祭儀初外戚蔣榮奉祀主元旦清明中元
冬至忌辰其四孟朔則州官祭家廟榮奏廟祭分委非便部
覆漢有南陽春陵二園之祀則郡縣我朝鳳陽皇陵之祭則
留守司今顯陵祭略同因上其儀從之命布政使主陵祭廟
享屬榮


復雲南騰衝司為州

字溫嗣唐王成王彌錦之從子

十一月辛酉朔裁革官校求復席書請捕一二示警不允

癸亥巡按直隸御史朱寶昌言浙江右布政使馬卿杭州知
府查仲道之寃卿等忤織造太監吳勳張志聰誣逮卿貶鶴
慶知府仲道貶福建運同巡按歐珠貶商州判官後仲道轉
知汀州有惠政卒民為立祠

甲子前吏部右侍郎胡世寧上言宋司馬光言人主大德有
三日仁曰明曰武 陛下子惠元 洞燭萬幾仁矣明矣比
因議禮薄示威罰聖武彌彰然雷霆可一震而已數震則天
威褻矣席書特擢此知人善任之美但恐後人非書之比援
書為例夤緣倖進許選部言官奏奪之可也其新進英達雖



議禮有合而後難保其事、之皆是舊任老成雖議禮一事過當而後難逆其事、之皆非乞毋分新舊不存適莫天下之幸也報聞

姜南曰公生平議論不肯附和詭隨獨議禮一事偶同諸公然非附人也今或有以此議公為求進者恐不然乎


吏部考功郎中薛蕙以吏科左給事中陳沈劾其結亳州知州顏木陷叅將石壘事下都察都頗有指蕙免官沈放歸遣刑部郎中葉應驄錦衣衛千戶李經往同巡按熊蘭等訊其奸惡蓋給事中趙漢等御史朱衣等交劾之御史張日韶又

特糾彈之而御史藍田以辨冤錄左副都御史王時中請沈沈聽信撫按不許沈因訐時中朋黨今撫按殺已請遣緹騎以往

丙寅裁大名廣平兵備副使

禮部尚書席書上十二事省京儲重邊餉為躬行節儉之實裁革傳陞冒濫為省京儲之實禁奸商開中殘益為重邊餉之實云云上責其紛刻

南禮部主事侯廷訓梓議禮書寄京師下鎮撫司子一元年十三上書訟寬



己巳命陝西四鎮各設總局作兵器

庚午兵部右侍郎姚鏌總督漕運兼巡撫鳳陽

辛未悍卒殺大同知縣王文昌

甲戌何天衢為工部右侍郎督易州山廠

丁丑王橋嗣瑞安侯王源之子

卜入延綏

大同卒復譁時金獻民抗雄西征甘肅悍卒疑甚適戶部主
事李枝賈部金至鎮甲而圍之枝出牒示之乃解然日夜持
兵嘯聚

脩復廣西洛容縣正德時古田盜殘廢

戊寅八千騎犯涼州總兵姜夔以游擊周倫等襲于苦水

堡大敗之斬百四十六人都指揮張錦戰死

己卯代王俊杖避亂卒走宣府


命兵部左侍郎胡瓚摠制宣大都督魯綱往大同索首禍宥

脅從仍駐宣府

壬午改胡瓚提督軍務

丙戌巡撫湖廣張琮為工部右侍郎

戊子罪戾未即遣獄死免勾補



逮御史任洛易州兵備副使任忠奸民訐洛忠白其寃

四川提學副使張邦奇念母老致仕

十二月辛卯朔大理右評事常商臣條論降謫諸臣 上以法

直名謫

卜入遼東寧遠等堡守備閔振敗之斬三十七級

夜火星犯進賢星

丙申巡撫大同蔡天祐以搃兵桂勇誅叛卒五十四人乞止

胡瓚兵部議首凶郭鑑等尚在不許

巡按雲南右副都御史黃衷巡撫湖廣

侍讀學士方獻夫上所纂大禮書二卷命梓之

戊戌免正旦宴賜百官節錢

妖賊陸雄等殺山海關兵部主事王冕守備指揮田登擊斬

數人餘遁後贈冕光祿少卿


己亥署欽天監少祿少卿樂護華湘擅傳禁書下獄降護宿

州知州湘蒲州知州

故太子太保刑部尚書洪鍾賜祭葬謚襄惠

庚子光祿寺丞陳庠致仕加太常少卿廕監蓋邸潛之舊

壬寅內官監太監崔文左都督時源提督團營東官廳等都



指揮僉事劉暉都指揮劉淮充將叅

癸卯太僕卿吳琪為右副都御史巡撫雲南

乙巳進桂勇都督同知召還勇家屬被叛卒所殺朱振為署

都督僉事提兵官鎮守大同

丙午湖廣公安盜流劫石首官軍擒滅

夜月犯鬼宿

己酉四川盜劫婺川

故南禮部左侍郎王瓚贈尚書

巡撫大同蔡天祐乞止師勅責天祐擒賊自贖胡瓚俟事定

入朝

壬子安徽潁州地震

甲寅夜月犯房宿

丙辰右副都御史王時中錦衣衛指揮僉事劉宣武往按慶


王台滋以都督提兵神勛右僉都御史張璿論王淫穢不法


丁巳巡按廣西御史汪淵上言安南國王黎暉亡子立其兄

灝之子為世子正德十一年陳暉弒暉國人推立諱其臣

莫登庸討暉，走死子昇猶據諒山登庸恃功娶灝妻即諱

母也將篡諱出避清華登庸脅諱弟慮出據海東長慶





兵部尚書金獻民等班師

復陝西提督起楊一清兵部尚書兼左都御史提督三邊軍

務

國權

鹽官設遷孺木著

嘉靖四年乙酉

正月庚申朔辛酉代王自宣府還大同

乙丑薊鎮總兵馬永言大同餘逆不悛據城拒命若不亟誅

恐春和勾十患且滋甚先宜優卹宣府榆林吏卒作其氣備

警仍密徵遼東延綏勁兵各三千約期并攻購賊自相擒斬

則事可定部覆從之

設遷曰雲中肘腋之變既專鉞特遣安有遙制於上谷之

國權 嘉靖四年

國家圖書館, NATIONAL CENTRAL LIBRARY, TAIWAN, R.O.C.

外者或恐輿志盡搖則明示利害討貳舍服而合諸路兵
以臨之悍卒必自相擒斬翹足可矣也胡瓚不即進師屢
告殲渠俱亡命之餘何以懲後其劾蔡天祐之怯夫怯獨
天祐乎哉又上書幕府斬獲不侔邊臣類如是矣

丙寅十萬餘騎寇甘肅總兵姜瑛戰於苦水墩斬百有十級
殲其首

丁卯南京刑部右侍郎高友璣為右副都御史總督漕運兼
巡撫鳳陽

戊辰命致仕大學士楊一清為兵部尚書兼左都御史提督

陝西三邊軍務

庚午始權山海關商稅


癸酉工部主事郭波先令長洲織造太監張志聰誣其抗違

甘肅至是波就逮下鎮撫司謫江西布政司照磨

進甘肅巡撫陳九疇右副都御史賜金幣

乙亥工部員外郎翟璘坐緹校株累下獄謫外任蓋嘗論陳
萬言賜宅忤旨也

戶部右侍郎王承裕刑部左侍郎劉玉等案席書賑飢非其
咎俱還朝



益寧夏邊儲

丙子故冀北道僉事田美贈光祿寺少卿初胡瓚令美往渾源應州道值伏_下被殺

辛巳許州長谷地震

壬午撫治鄖陽右僉都御史寇天叙巡撫甘肅

甲申許魯迷入貢禮部以會典不載請卻之不聽

二月庚寅朔湖廣左布政使蔣曙為右副都御史撫治鄖陽

辛卯安慶衛指揮方欽捕江盜見殺

壬辰慰諭慶王台滋王見張璿上變懼甚突出城欲上奏璿

阻之幽王別館吏部右侍郎溫仁和言罪狀未明萬一恚死有殺王之名乞賜書以慰從之

癸丑初桂勇征西前將軍印失于亂卒命更鑄禮部尚書席

書請索故印上謂大同稍定柰何令反側子自危也詰之

故事夷使朝而後賞遣上不豫書請先賞又被詰


乙卯詔內外理官輕罪成獄即放遣贓甚則散羈否則奏請

裁奪不得久禁

戊午夜火星犯平道東星

三月庚申朔辛酉朱麟嗣成國公

朱輔子



許南京守備太監黃錦等權蕪湖之木備御器

壬戌山東道御史王懋乞錄議禮杖卒諸臣請高縣典史

癸亥廣東左布政使江潮為右副都御史提督鴈門等關巡

撫山西

甲子巡按雲南御史郭楠乞復豐熙等官恤死者家逮下獄

鎮守潼關太監黃玉以貪暴下獄戍邊

己巳巡撫宣府右僉都御史張縉移延綏起周金右副御史

史巡撫宣府

行人司右司副柯維熊言伏闕諸臣多被死徒王懋郭楠相

乙酉蔡經常奉李鳳來楊言秦祐劉琦孫應奎余經王汝梅

為給事中林士元陳田正柯相為南京給事中

丙戌議內臣武職優免

徐宿盜平


四月庚寅朔癸巳福建右布政使何詔為右副都御史巡撫保

保兼提督紫荆等關

兵部左侍郎李昆疾去

丙申給京營巡捕印

改顯陵司香署曰神宮監安陸衛曰顯陵衛



辛丑南京工部尚書崔文奎致仕

禮科給事中楊言言仁壽宮災特諭修省臣以為責在公卿
有司而不在陛下罪在諫官而不在聖躬近來賢否混淆
進退失當張璫桂萼始逢迎以竊清秩終怙勢以誣重臣此
吏科失職也張崙請陽和之田崔和亂鹽商之引此戶科失
職也享祀未恪廟祀無章此禮失職也錦衣多濫陞賞科
踰額此科失職也元惡藍華等寬籍之法諍臣郭楠等施械
械杻之刑此刑科失職也興作不常耗盡無能紀此工科失
職也皆足上千天和其復何道上不悻

癸卯叛人宋素卿論死

甲辰夜月犯心宿中星

丙午夜月犯南斗魁第四星

丁未大同衛雨雹殺菽麥

戊申工部右侍郎陳雍為南京工部尚書


禮部駁何淵議令再詳之學士張璫廷臣力爭 不允

己酉山東左布政使林琦為右副都御史巡撫寧夏

乙卯應天巡撫吳廷舉薦致仕南京禮部尚書邵寶上其所

著簡端錄學始更等書

國權 嘉靖四年



禮部集議世室曰別立嗣王主廷臣初議也歲時遣官致祀
祭安陸廷臣改議也祀于大內張璠桂萼霍輻等議也今何
淵欲祔之太廟自唐虞迄今並無藩王躋祀陛下何所祖
而為之乎命更議

五月己未朔遼陽地震

庚申御史葉忠言十事其二釋宮女其三寬高墻罪宗等
上納之并戒諭外戚鄔景仁陳萬言

署都指揮僉事王偉為總兵官鎮守廣西

辛酉順天永清縣雨雹殺麥

甲子總督兩廣兵部右侍郎兼右僉都御史盛應期改工部

右侍郎督理易州山廠

祭酒趙永為南京禮部右侍郎

丁卯兩淮巡鹽御史張珩報課積銀至百萬賜酒幣舊七十萬


己巳南京侍讀嚴嵩為祭酒

諭禮部定議立世室

辛未周煦段汝礪劉劼邱養浩聶豹鄭洛書高世魁沈松鄧

宏楊爨為御史姚鳴鳳蔣詔為南京御史

兵部右侍郎姚鏞為右都御史提督兩廣軍務兼巡撫廣西



乙亥故藩府典膳李恭贈紀善 武宗幸榆林恭擬長至日

疏請回鑾江彬聞之陷死子謫戍

戊寅右副都御史王時中為兵部右侍郎

己卯南京國子司業郭維藩為南京侍讀學士

辛巳成山伯王鏞卒

革職錦衣千戶李全等九十餘人皆辨復部科執奏不聽

尤溪山盜平

甲申南京操江左副都御史伍文定予告

己酉禮部執奏世室不當立別立禰廟 上仍定曰世廟即

環碧殿舊址制如太廟

故南京禮部尚書楊廉賜太子太保謚文恪江西豐城人居

官處鄉行誼修潔士論許之

丙戌右僉都御史王堯封進右副都御史


戊子永福長公主薨

檢討陳震為國子司業

順天府同安縣雨雹

六月己丑朔署都督僉事杭淮為平寇將軍搃兵官鎮守寧夏

守備鳳陽太監王德乞改勅兼轄廬鳳淮揚滁徐和許之兵



部執爭而寢

赦高墻罪宗家屬二百八十九人

辛卯提督南贛汀漳右副都御史聶賢改南京提督操江

壬辰江西左布政使蔣瑤為右副都御史巡撫山東

甲午編修張潮尹襄為侍讀

永定流盜曾鳳等伏誅

逮廣東按察使張祐副使孫懋 上密遣校尉偵事祐等詰

忤坐罪巡按御史楊鈴申救

南京工部尚書陳雍勒罷

丁酉兵部尚書金獻民罷寧夏提兵官種勛賂京貴發于東

啟詞連獻民被劾

戊戌巡撫甘肅右副都御史陳九疇疾去

己亥兵部左侍郎鄭岳致仕


琉球使者鄭純歸國勅諭日本縛送宗設等歸所掠漢人否

則絕貢

庚子上 武宗毅皇后帝實錄

南京刑部郎中黃宗明都察院經歷奏何淵祔廟謬報廟

甲辰巡撫順天右副都御史吳廷舉為南京工部尚書



丙午賜寶錄監脩摠纂脩等官金幣

戊申免山東災傷夏稅屯租

庚戌右副都御史李鉞為兵部尚書

慶王台滋廢為庶人王怨張璿及鎮守太監李昕總兵种勛

謀殺之事覺遣太監扶安右副都御史王時中錦衣衛指揮

僉事劉宣武往訊奪爵仍若本郎俟悔罪歲給粟三百石

辛亥寶錄恩進定國公徐光祚兼太子太師大學士費宏少

師兼太子太師石珪賈詠俱太子太保武英殿大學士副摠

裁禮部尚書董玘兼翰林學士纂脩官進侍讀學士

吳一鵬

翟鑾為學士侍讀穆孔暉左春坊左庶子徐縉為侍講學士

脩撰唐臯為侍講學士張璧侍讀許成名為左右諭德侍講

劉朴尹襄張漸為洗馬編撰邊憲編修劉棟俱左中允脩撰

楊維聰編脩孫紹祖俱右中允編修崔桐汪佃俱侍讀葉桂


章王三錫陳沂廊灝俱侍講謝正費家俱左贊善林文俊蔡

昂檢討金臯俱右贊善編脩余承勛陸鉞費懋中汪暉馬汝

驥葉式劉世盛倫以訓檢討蕭成李方湯惟學俱修撰檢討

張星林時俱編脩孫元檢討席春劉夔原改除俱為按

察僉事催纂錄餘陞秩有差



靖江王經扶薨

壬子王洪嗣成山伯

甲寅許弋陽王拱楨祀寧獻王惠王

丙辰起胡世寧兵部左侍郎南京吏部尚書顏願壽改左都

御史巡撫河南右副都御史劉文莊還院

七月戊午朔芒部隴政被獲于水西追奪其印

壬戌禮部左侍郎朱希周為南京吏部尚書

癸亥廣東按察副使孫懋謫藤縣典史

錦衣衛正千戶孫堪許瑒俱受事蓋廕叙官例不受事 上

念其先臣特優之

八月戊子朔巡撫四川王軌為工部右侍郎兼右僉都御史採

大木時脩太廟仁壽宮營繕郎中范總住湖廣常德李煌住

四川馬湖叙州年泰住貴州石阡鎮遠各採木

己丑四川按察副使余珊上言時事漸不克終紀綱漸頹言

路漸塞風俗漸壞國勢漸輕夷狄漸強邦本漸搖人才漸凋

刑法漸淆君臣漸睽災異^漸臻皆首相非人願亟去之報聞


庚寅鳳翔知府曹蘭以中官論其奉詔不敬調兩淮鹽運司

使同知

國權

嘉靖四年

十



癸巳逮寧夏提兵官种勋下鎮撫司

設遷曰邊將餽遺中朝雖甚廉勇不能廢也杜預所謂要
使不吾害耳特中朝受之則有簞簞之嫌詰其賄籍亦怨
汚之藥石也如种勋弟鋈俸級策勵圖功足矣必下之
詔獄此以戒文吏則可非御將之道也

甲午學士翟鑾右春坊右贊善謝丕主試順天

壬寅雲南永昌騰衝河南開封懷慶南直隸壽潁徐州地震
乙巳逮彰德知府張惠以趙府輔國將軍祐棕誣奏也獄上
奪祐棕祿三之一切責趙王厚煜降惠河東鹽運司同知

丁未 上念民灾欲暫罷仁壽宮役費宏言 昭聖皇太后

居仁智殿未安宜漸修復 上遂戒所遣各官科擾

庚戌免順天保定河間田租

九月丁巳朔免鳳陽淮揚徐滁田租


庚申御史王官貪甚削籍奪其封勅 具奏上遂去管轄

壬戌遼東盖州衛地震

戊辰新寧伯譚祐卒謚莊僖

南京戶部右侍郎徐蕃改工部督理易州山廠

壬申徐州長垣祥符陳留俱地震



癸酉祀吳與弼于崇仁

甲戌南京右副都御史胡鉞為南京戶部右侍郎

乙亥吏部尚書廖紀上三事正士風重定令惜人才 上是

之自今托疾致仕俱不准京官年七十上方面官六十上方

予致仕外官毋引疾京官果疾方准其奏上遽去者許糾劾

守令俱九年考滿

免南昌新建進賢豐城餘干災租蓋州寧遠衛地震

戊寅南京太僕寺卿楊果終養

內府各監局請收工匠戶兵二部疏上報聞

起李承勛南京右副都御史

辛巳致仕刑部尚書林俊乞收用議禮諸臣并寬廷杖召用

羅欽順王守仁呂柟魯鐸等章下所司

甲申盜殺河陰前右副都御史許廷光


乾州樊伸省掾也有反相藩伯悞禮之民漸指目伸詐術誘

其眾割布書約謀不軌知州捷為趙時以乞兒詞其事豫備

及攻城趙密用布賊拒之賊聚保楊千村轉縛之擒斬千二

百人趙時正德丁卯貢士終陝西行太僕少卿

十月丙戌朔脩遼東邊垣



十湖廣按察副使朱旒與總兵豐城侯李旻相訐徵旻入逮旒

下獄

丁亥趙永淳為南京戶科給事中穆相陳大器張問行王朝周施山劉濂毛麟之為御史


工部尚書趙璜請止玉德景福安善各宮專作仁壽宮不聽
總督楊一清上言益引積滯請自正德十三年前日舊引其
後日新引每引輸二錢五分舊引二新引七兼行召商慶陽
貯銀專市邊馬先延綏而寧夏甘肅遞次之報可

乙巳罷南京工部尚書吳廷舉廷舉乞休疏引白居易詩月

俸百千官二品朝廷顧我作閑人張詠詩幸得太平無一事
江南間殺老尚書又云嗚呼上怒其怨望勒致仕幸上
初年寬之若中歲禍不知所底矣

崔銑曰銑平生頗識當世賢士大夫如吳公其才潔履厚
行定力鮮儷也銑嘗謂之曰許友死未知能否此外公優
為之嗟乎吳公衣食人廣矣妻子不能延朝夕服政四十
年百拜九死皆歷之不能一月安于朝推下賢哲不憚屈
已比卒未嘗報德者孟子曰命也

癸丑議世廟神道光祿著丞何淵以太廟南後折而東達于



世廟為迂遠宜與太廟街同門闢一徑禮部謂須毀垣伐木
徹神宮監而後可請會官相度諸大臣俱言有碍從初議便
不聽禮科左給事中韓楷御史楊泰等各言 列聖之靈不
安 上怒詰責御史葉忠復言之責對狀俱奪俸二月工科
給事中衛道禮部主事曾存仁又言之 未上怒謫 仍定與太廟同街學士張璉桂夢上廟街議云與太廟同街
非同門也議禮之初爭稱帝而復爭皇今爭立廟而復爭路
矣甚無謂也惟 陛下早決之議遂定 乾州妖盜樊伸等平

十一月丙辰朔丁巳南京右都御史張崱為南京工部尚書

辛酉命兩廣提督姚鏌相機勦田土土官岑猛


癸亥錦衣衛指揮使夏助為都督同知母葉氏乞襲慶陽伯
不許

丙寅免淮徐浙西隆慶等衛田租

右僉都御史周倫服除提督操江

學士張璉桂夢薦前大學士謝遷刺及時宰于是石瑄求去
不允

乙亥山西平陽府地震



許浙江市舶司太監賴恩巡海道值警得徵吏卒蓋成化末
僅一林槐非故事也部科爭之不得

宥衛道曾存仁及御史邱養浩復其官養浩悞杖長隨謫
辛巳長至日上不豫免朝賀


召楊一清直內閣御史吉棠以費宏席書有隙故薦一清書
亦薦之科右給事中章儵鄭一鵬言不可兵部郎中楊儀
言西陲方宜未宜動上切責之已御史侯秩薦謝遷彭澤
謫順富縣丞

辛卯上視朝

十二月乙酉朔壬辰萊州地震

丁酉起王憲兵部尚書總督陝西三邊軍務
吏部尚書廖紀以推搡督不合乞休不允于是科道交論席
書構嫌箱制上切責之

徐學模曰議禮諸臣既被寵幸宜安心供職即衆心未附
猶曰所見之偏也柰何驕恣無忌甚至侵職掌不復知有
國是楊一清召相廖紀以總督非一清不可科道亦以為
言非阻一清之進實為邊方計也事不涉禮部乃席書謂
紀內則柔順于相臣外則牽制于科道不當展轉為兩請



之詞其意寔欲進一清而退費宏也蓋張桂生之矣

戊戌荊州流盜平

辛丑刊大禮集議成

壬寅廣東惠潮兵備僉事施儒以士民保留進副使

戊申高皇帝御序洪範又上註伊訓無逸二篇並刊名

書經三要

庚戌提督兩廣兵部右侍郎

刑部尚書黃應驄錦衣衛千戶李經往訊陳沈罪死特旨宥

之削籍應驄經同御史熊蘭涂相奏政李銳參議汪思副使

胡璉僉事施儒知府唐昇等雜治具得沈事問知縣宋元翰

閔冤狀曰沈元翰父所錄士也元翰始至雅善沈後驗其誦疎

之又沈窟盜事泄謀捕沈言撫不聽竟勦之得洗手札成隙

令子更計元翰受盜金鼎成副使汪鉉廉而釋之去之日民

為樹碑應驄遂奏沈貪淫無厭獵人婚姻牟人田土有為獸

又擅殺人污讒群官而橫以罪陰蓄亡命肆掠積案至百

七十二宗除赦前及疑暖者餘十三宗當論連係三百餘人


凡二十年間死徙數十餘人沈當置重典沈亡詣闕誣問官

皆議禮黨首上方持沈獄而巡按涂相奏遠至尚書趙鑑

國權

嘉靖四年

共



閏十二月乙卯朔日食

戊午禮部尚書席書進太子太保

癸丑遼東地震

壬子免淮徐田租

之不聽亡何大禮集議成加恩于沈且並宥其家

官朋黨中以法上宥沈死削籍大理卿湯沐及鑑等各爭

鑑言于朝鑑以聞不問張驄言沈謙禮官也嘗劾費宏而法

郎中黃綰當沈死席書教居間不得奏救之末引桂萼與趙

右都副御史張潤給事中解一貫御史鄭本公等爭執奏而

已未增南京守備太監卜春

壬戌黎良陳臯謨為戶兵科給事中邱九仞方紀達為南京

禮兵科給事中

甲子大禮書成推恩上議諸臣陞廢有差


乙丑岷王彥汰安南王彥泥有罪廢為庶人彥泥錮鳳陽彥


汰在邸侯悔罪初各相訐遣司禮右少監李瓚大理寺左少

卿徐文華錦衣指揮使王佐往按之以狀聞上

庚午恩平縣盜平

辛未禮部尚書吳一鵬予告





甲戌譚綸嗣新寧伯

庚辰吏科給事俞經劾兵部左侍郎胡世寧心術奸回開

告密之門蓋世寧先疎保身謹學有君不密則失臣之語

曰乞休不允

安昌伯錢承宗卒謚榮禧

辛巳兵部考選軍政

猛賊殺守備指揮李松德慶州判官陳瑒

國權

鹽官設遷孺木著

嘉靖五年丙戌

正月甲申朔 上視朝受臣賀

癸巳免柴炭官解召納

乙未 上南郊大宴

夜月犯鬼宿

丁酉虜亦不剌駐寧夏賀蘭山後欲窺邊趣王憲赴鎮

己亥吏部大計降斥千九百七十二人

國權

嘉靖五年